

## **LA VIGNE, Andrieu de, Mystère de Saint Martin, 1496.**

**Blondine:** Madame viendrez vous partant  
Ouy la Messe au moustier.

**Polye:** Oy quant et toy veulx y aller  
Mes patenostres me faut prendre.

**Sathan:** A escrire me faut entendre  
Les parolles de ces 3 deux femmes,  
Afin que i'aye leurs âmes :  
Voluntiers parlent à l'Eglise,  
Tant comme l'on dict le seruice;  
En ce roolle, ne faudray mie  
A escrire toute leur vie  
Tant comme il pourra durer. [Lors s'en va après elles a l'église derrière ung  
pillier et escripi toutes leurs parolles.]

**Blondine.** Nous sommes cy en bel moustier,  
La Messe est desia commencée.

**Polye.** Veis tu point a minnuit Lessée,  
Dy, Blondine, ny Alyson?

**Blondine:** Ilz n'estoyent pas en leur mayson  
Ne ne sont pas icy venus.

[Ils parlent tousiours.]

**Polye.** Ouy, pour vray, ie les ay bien veuz.  
Des belles manches de Paradis  
Les bras luy ont, ce m'est aduis  
Couuers, i'en suis esmerueillée.

**Blondine:** Alyson sen est elle alleé?  
Grand piece a que ie ne la voy.

**Polye:** Elle est allée veoir son amy  
Le Joliuet de la barelle.

**Blondine :** Le dyable y soit la macquereile  
Froncline luy est venu dire.

**Sathan :** Je ne puis plus icy escrire,

*Mon roolle est tout plein de langage.  
Je lalongeray comme sage.*

*(Lors il tire son parchemin avecq les dentz, t.nt que il le rompt et se frappe la teste  
cuntre la paroy.)*

**Bricet** *(en riant): Ha ha ha ha. ha ha ha ha.*

**Sathan:** *Je nen feray plus, cest assez.*

*[Il s'en va.]*

**Polye:** *Blondine, il s'en faut aller  
Si en ferons aucune chose.*

**Blondine:** *Allons nous en, car ie suppose  
Que nous en aurons haut et bas.*